

## GOODMAN, GODFREY (1583 - 1656), esgob Caerloyw

**Enw:** Godfrey Goodman  
**Dyddiad geni:** 1583  
**Dyddiad marw:** 1656  
**Rhyw:** Gwryw  
**Galwedigaeth:** esgob Caerloyw  
**Maes gweithgaredd:** Crefydd  
**Awdur:** Glyn Roberts

Ganwyd 28 Chwefror 1583, nai [Gabriel Goodman](#). Cafodd ei addysg yn Ysgol Westminster ac yng Ngholeg y Drindod, Caergrawnt (1592-1607). Trwy ffafr cyfeillion i'w ewythr a ffafr y brenin Iago I a'r frenhines Anne, cafodd ei ethol i nifer o fywiolaethau yn Lloegr ac yng Nghymru. Dewiswyd ef yn ddeon Rochester yn 1621, ac yn esgob Caerloyw yn 1625. Pan ddaeth Siarl I i'r orsedd yn 1625 fe'i cafodd ei hun fwy a mwy heb gydymdeimlad â'r polisi crefyddol. Rhwng 1626 a 1640 yr oedd tystiolaeth yn crynhoi a awgrymai ei fod wedi troi'n Babydd. Yn 1640 fe'i carcharwyd am wrthod torri ei enw wrth ganonau Laud, eithr fe'i rhyddhawyd pan gytunodd i wneuthur hynny. Bu yng ngharchar ddwywaith wedi hynny cyn 1643 a chymerwyd y rhan fwyaf o'i eiddo oddi arno. Yn ystod rhan o'r cyfnod 1643-7 bu'n llochesu ar eiddo (T Du) a oedd ganddo yn Llanberis. Bu farw yn Westminster ar 19 Ionawr 1656. Yn ei ewyllys yr oedd cydnabyddiaeth a oedd yn amwys o blaid uchafiaeth Eglwys Rhufain. Y mae ymchwil arbenigwyr y dyddiau hyn yn ein tueddu i gredu na ddychwelodd yn ffurfiol at Babyddiaeth ond ei fod yn dymuno'n ddiffuant y byddai i Eglwys Loegr gyfamodi ag Eglwys Rufain. Cafodd tref Rhuthyn lesâd o dan ei ewyllys.

### Awdur

Yr Athro Glyn Roberts, (1904 - 1962)

### Ffynonellau

*Oxford Dictionary of National Biography*

Venn, *Alumni Cantabrigienses*

*The Church Quarterly Review*, cxliv, Nos. 288-9

Ollard, Crosse, and Bond, *A Dictionary of English Church History* (1948), 3rd ed.

*Archaeologia Cambrensis*, 1882, 205

*The Journals of the House of Lords*, ix, 362

H. B. Thomas, *A History of the Diocese of St. Asaph* (1874), ii, 129-30

### Dolenni Ychwanegol

VIAF: [76662580](#)

Wikidata: [Q5576447](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

